



Broj: 0101-6960-7-4/19
Sarajevo, 23.09.2019. godine

Na osnovu člana 70. stav (2), stav (3) i stav (6) tačka (e) Zakona o javnim nabavkama Bosne i Hercegovine („Službeni glasnik BiH“ broj: 39/14) i člana 62. Statuta Univerziteta u Sarajevu, nakon provedenog postupka javne nabavke robe – nabavka Laboratorijska saobraćajna oprema, na preporuku Komisije za javnu nabavku broj: 0101-6960-6-2/19 od 23.09.2019. godine, rektor je d o n i o:

ODLUKU

**o izboru najpovoljnijeg ponuđača za nabavku robe - laboratorijska saobraćajna oprema
LOT 4 - (Programski paket za obrazovanje)**

Član 1.

Prihvata se preporuka Komisije za javnu nabavku broj: 0101-6960-6-4/19 od 23.09.2019. godine i ugovor o javnoj nabavci robe - nabavka **Laboratorijske saobraćajne opreme - PROGRAMSKI PAKET ZA OBRAZOVANJE - LOT 4**, dodjeljuje ponuđaču Telnet d.o.o. Stupska bb, 71 000 Sarajevo, čija ukupna cijena ponude iznosi **14.850,00 KM** (slovima: četrnaest hiljada osam stotina pedeset 00/100).

Član 2.

Ova Odluka će se objaviti na web stranici Univerziteta u Sarajevu www.unsa.ba, istovremeno sa upućivanjem ponuđaču koji je učestvovao u postupku javne nabavke, u skladu sa članom 70. stav (6) Zakona o javnim nabavkama BiH.

Obrazloženje

Na osnovu Odluke o pokretanju postupka javne nabavke broj: 0101-6960-1/19 od 28.08.2019. godine, Univerzitet u Sarajevu je pokrenuo postupak javne nabavke robe - nabavka Laboratorijske saobraćajne opreme.

Za provođenje postupka predmetne javne nabavke, Odlukom broj: 0101-6960-2/19 od 28.08.2019. godine, imenovana je Komisija za javnu nabavku u sastavu: Lejla Dizdarević, predsjedavajući, Mirza Berković, član, Adnan Omerhodžić, član, Edvin Šimić, član i Osman Lindov, član, a za zamjenjske članove su imenovani: Belma Memić, Adisa Hasković i Muhamed Begović.

Obavještenje o nabavci broj: 999-1-1-83-3-71/19 objavljeno je na Portalu javnih nabavki dana 28. 08. 2019. godine i Službenom glasniku BiH br.62 od 13.09.2019.godine.

Iz Zapisnika Komisije za javnu nabavku je vidljivo da u periodu koji je ostavljen za dostavljanje ponuda, nije bilo pitanja upućenih Ugovornom organu putem sistema e-nabavke.

Komisija za javnu nabavku je dana 18.09.2019. godine u 10:15 sati izvršila javno otvaranje blagovremeno prispjelih ponuda za LOT 4, ponuđača Nexis d.o.o., Mehe Smajlovića 76, 71 000 Sarajevo i Telnet d.o.o. Stupska bb, 71210 Ilidža. Na javnom otvaranju ponuda nije bilo prisutnih osoba ispred ponuđača. Komisija za javnu nabavku se sastala dana 19.09.2019. godine, radi pregleda i ocjene ponuda, odnosno da bi utvrdila da li je ponuđač ispunio uslove iz člana 45. do 49. Zakona o javnim nabavkama koji su traženi Tenderskom dokumentacijom, kao i

da bi utvrdila da li je ponuđač dostavio tehnički zadovoljavajuću ponudu u skladu sa zahtjevima iz Tenderske dokumentacije i da li su kvalifikovani za isporuku tražene robe.

Pregledom i ocjenom dostavljenih ponuda Komisija za javnu nabavku je ustanovila da se ponuđač Nexis d.o.o. Mehe Smajlovića 76. 71000 Sarajevo **isključuje** iz daljeg postupka javne nabavke robe PROGRAMSKI PAKET ZA OBRAZOVANJE - LOT 4 iz razloga jer je ponuda ponuđača nepotpuna i ne sadrži sve elemente tražene tenderskom dokumentacijom. Komisija je utvrdila da u ponudi ponuđača Nexis d.o.o. Sarajevo nema kompletne tehničke specifikacije za predmet nabavke. Ponuđač je dostavio tehničku specifikaciju za prvu stavku predmeta nabavke „Softver za simulaciju saobraćajnih nezgoda“ iz koje se ne mogu vidjeti niti analizirati specifikacije za stavku 2. Obrasca za cijenu ponude „softver za putokaznu saobraćajnu signalizaciju“, stavku 3. „Programski paket - katalog“ i stavku 4. „Softver za projektovanje i katastar cesta“. Ponuđač Nexis d.o.o. također **nije dostavio** spisak izvršenih ugovora za predmet nabavke koji je isti ili sličan predmetu nabavke iz LOT-a 4, a što je propisano tenderskom dokumentacijom i to tačkom 13.4.1.2 (strana 13 TD), odnosno **nije dostavio potvrdu o uredno izvršenom ugovoru** čiji je karakter i kompleksnost sličan predmetu nabavke iz LOT-a 4.

Na osnovu navedenog Ugovorni organ je pristupio rangiranju prihvatljivih ponuda na sljedeći način:

Redni br. na rang listi	Naziv i sjedište ponuđača	Ponuđeni popust	Ukupna cijena ponude
1.	Telnet d.o.o. Stupska bb 71 210 Ilidža	0,00 KM	14.850,00 KM bez PDV-a 0% Popust PDV=0,00 KM 14.850,00 KM sa PDV-om

Nakon izvršene računске kontrole prihvatljive ponude, Komisija je utvrdila da u ponudi ponuđača Telnet d.o.o. nije bilo računskih grešaka. Ponuđač nije naveo cijenu sa PDV-om iz razloga što je Ugovorni organ u tenderskoj dokumentaciji naveo: „Ugovorni organ se obavezuje ponuđačima dostaviti ovjerenu kopiju potvrde o oslobađanju od uvozne carine i PDV-a pri uvozu robe i za oslobađanje od plaćanja PDV-a i drugih indirektnih poreza pri nabavci dobara i usluga u Bosni i Hercegovini u okviru projekta koji se finasira iz IPA II Fonda u skladu sa Okvirnim sporazumom („Službeni glasnik BiH“ - Međunarodni ugovori, broj 6/15)“.

Komisija za javnu nabavku je dala preporuku da se donese odluka o izboru i dodijeli ugovor o javnoj nabavci robe - LABORATORIJSKA SAOBRAĆAJNA OPREMA - PROGRAMSKI PAKET ZA OBRAZOVANJE - LOT 4, ponuđaču Telnet d.o.o., Stupska bb, 71 210 Ilidža, čija ponuda je ocijenjena kao najpovoljnija u skladu sa kriterijumom najniža cijena tehnički zadovoljavajuće ponude u ukupnom iznosu od **14.850,00 KM** bez PDV-a (slovima: četrnaest hiljada osamstotinapadeset KM i 00/100).

Iz gore navedenih razloga, primjenom člana 64. stav (1) tačka b) Zakona o javnim nabavkama BiH, prihvaćena je preporuka Komisije za javnu nabavku i odlučeno je kao u dispozitivu ove Odluke.

POUKA O PRAVNOM LIJEKU:

Protiv ove Odluke može se izjaviti žalba, najkasnije u roku od deset (10) dana od dana prijema ove Odluke. Žalba se izjavljuje Uredu za razmatranje žalbi Bosne i Hercegovine putem ugovornog organa u pisanoj formi. Žalba se podnosi u najmanje tri (3) primjerka.

Naknada za pokretanje žalbenog postupka plaća se Uredu za razmatranje žalbi, u skladu sa članom 107. Zakona o javnim nabavkama i Instrukcijom Ministarstva finansija i trezora BiH o načinu uplate, kontrole i povrata naknada propisanih članom 108. Zakona o javnim nabavkama BiH.

Rektor

Prof. dr. Rifat Skrijelj

Dostaviti:

1. Nexis d.o.o., Mehe Smajlovića 76, 71 000 Sarajevo
2. Telnet d.o.o., Stupska bb 71 210 Ilidža
3. Služba za finansije i računovodstvo
- ④ u dosje javnih nabavki
5. web stranica UNSA
6. a/a

Prilog: Zapisnik o pregledu i ocjeni ponuda